

萬國分類時務大成續集

五洲近代政治考卷四

形勢考

日本形勢 日本古稱倭奴唐咸亨初國人惡其名更號日本以地處東洋日光先出故也四面環海形勢雄奇大島五居中者名曰本西曰九州西南隅為薩摩島南曰四國東北曰蝦夷或作獲服別有東夷毛人毛民之號西北為對馬島與高麗南境相距僅百餘里此外島嶼繁迴星羅棋布悉數難終地勢修狹作蜻蛚折翼形南北相距三千八百里東西相若其中陸地無多幅員未免偏窄按其國史言神武天皇以前有天御中王天村雲尊等年代湮遠事迹渺茫傳訛之論不足取信兩漢始通中國晉魏以後佛教盛行唐貞觀間屢遣使臣往來桑初國僧齋然浮海來貢太宗特賜紫衣存撫有加焉元至元間屢遣使招之不復命十八年命范文虎等將兵十萬統戰船九百征之會罹暴風全軍盡沒生還者三人而已終元世不復通問訖明興倭人乘中國用兵屢寇海濱各州縣洪武二年遣使頒詔書且詰其何故入寇不報侵掠如故永樂元年始通表貢時對馬壹岐諸島賊掠濱海居民諭其王收捕之王如命執其魁二十人以獻自是頻入貢亦頻獻所獲海寇且表言島中無賴鼠竊時發實非遠臣所知願貸罪語極恭順然海寇仍不絕嘉靖二十三年徽人汪直與奸民徐海陳東麻葉等勾引諸倭大舉入寇舳舨銜接數百號蔽海西至浙東西南北濱海數千里同時告警所至輒陷驛驛二十餘年至萬厯四年總督胡宗憲總兵戚繼光劉顯俞大猷協力攻剿殲徐海俘麻葉陳東斬汪直倭患平焉秀吉者薩摩人奴也雄健矯辯關白信長而悅之令牧馬後漸用事為信長畫策奪并二十餘州擢為攝津鎮守會信長為其下將智所殺秀吉平其亂威名遠振尋廢信長三子自稱關白蓋關白為尊號通國一人而已萬厯二十年移師寇朝鮮望風四潰王奔平壤尋遷義州遣使告急中朝發兵救援不獲勝會秀吉死諸倭遂揚帆歸朝鮮以平國朝肇興遼瀋聲靈赫濯遠鎮東方數百年來相安無事同治八年始有通商之約十二年台灣之役幾肇釁端幸和議旋成仍以玉帛相見乃盟約未久而光緒五年復有夷滅琉球一事至今大局未鑿妥善諒兩國素睦邦交定必仍敦和好也通

國畿內外共分八道曰東海道曰西海道曰南海道曰北海道曰東山道曰北陸道曰山陽道曰山陰道道  
統國國統郡畿內為國五曰山城曰河內曰大和曰和泉曰攝津曰道中又分八十二國七百一十七郡建  
都處名曰東京西京為舊時都邑其君惟歲時臨幸而已朝綱政事與中國相仿佛國君生殺黜陟獨握全  
權下有太政官如中國內閣軍機處外務省統理各國事務內務及大藏省陸軍省海軍省文部及教部省  
工部省司法省各道設鎮撫使畿內謂之總管各國有國守職如太守而權則幾同巡撫其餘文武官員職  
秩繁多分為九位倣中朝九品官制九位中自一位至八位各有正從之別如正一位從一位之類其九位  
即初位獨以大少別之曰大初位少初位四位以下又分上下如正四位上正四位下等是人民之數約三  
十三兆四十二萬有另國人身多短小面色微黑室無桌椅設矮脚几席地而坐男女衣服皆大領襖袖衫  
長拂地短襖曳履男髻鬚而椎頂留髮髮至腦後潤寸餘縮為髻女不椎髻前後挽髻插玳瑁簪過及倣效  
西法男子多改西裝有頭戴西冠而足曳東履者亦有下被皮履而椎高髻者更有冠履皆易而衣裳仍舊  
者羊裘葛蒲各從所嗜男子常佩刀劍尊者多至二三柄睚眦不合積忿於心無可發洩往往自刎以報亦  
愚甚也房屋概取竹木無高牆堅壁以地多震撼故然因之火患頻仍延燒四面街巷為空每歲被焚房屋  
不可計數近聞當道議定營室規程曉諭民間一律導照矣文字與中國同而音則迥殊意義間亦歧異如  
御宇中國惟 帝王用之彼則無物非御義與大同更有字母參以土音意義尤難解釋所奉之教除儒  
釋外兼尚神道教年來與泰西諸國立約通商天主教亦弛禁焉商埠八曰東京曰京都曰橫濱曰大阪曰  
神戶曰長崎曰新潟曰箱館華皆倣效西法機器製造輪船電線靡物不備數千年之舊為之一新矣 國  
中峰巒險阻崎嶇不平通計火山四十有九噴談吐烟屢遭地震此四十九座中今已息滅者三十有二山  
之最著者名曰富士山在東京西南約二百里高峻絕倫為通國羣山冠頂上積雪經月不消日本國史記  
孝靈天皇五年即中國周赧王二十二年駿河國富士山泳出謂其平地震撼而突起高山也嗣後更迭屢  
列屢見紀載其罹災最烈在唐咸通初葉即清相天皇年間山如紅爐火光遙燭烟焰上騰高出雲表地軸

轉旋若雷霆耳如是者十日卒乃轟然一聲山麓崩烈飛沙走石如海潮決隄狂波澎湃死傷無數方廣二百里內幾成荒野而人迹已不可復覩矣嗣於康熙四十五年山阪復裂沙塵之遠揚者周圍至八百里東京一帶平地積沙數寸山下居民殆不可問休目傷心莫此為甚百餘年來火勢漸減今則闐然無聞矣富士山冰出之年同日京都東北亦頻頻地震沃野百餘里陷成澤國後人名之曰近江又以形似琵琶名琵琶江為通國最大之湖此外又有霞浦完道八郎瀨等無甚勝跡足記橫濱西數里有鑛倉係源賴朝舊址雖不甚高而山嵐環繞樹木蒼鬱足資眺眺按源賴朝乃東瀛霸佐與中原管晏等相持初以流竄之身起兵伊豆殺義仲滅平氏威震天下權傾君王至今遺容手澤蓋甲刀劍均未遺失游人玩賞者絡繹不絕其居亦稱雄壯甬道長三里有奇兩旁偏繞松杉蒼翠入畫又距橫濱不遠有杉田牛頭山寺其中古梅一株高二丈許古幹橫斜拳曲如鉤花作淡紅色游人至此輒飲酒賦詩盡興而返洵佳勝之區也物產全欽之礦所在多有銅礦多且富土壤以高山蕭瑟類多瘠瘠不豐產穀米棉花茶葉絲樟腦等諸料甚綿密所產之馬短小精健頗利馳驅亦良駿也

### 高麗形勢

高麗在亞細亞洲赤道之北其形如指凸於海中以經緯二綫衡之自北赤道經綫三十四度至

四十三度緯綫自一百二十四度至一百三十一度地周七千餘里東西南三面有五千餘里瀕海為界土地饒沃民風樸儉國中分八道曰京畿道曰平安道曰江原道曰黃海道曰忠清道曰慶尚道曰全羅道咸境道京畿道居國之中央最據形勝故築都城於其間以統轄各道通商之仁川口離王城八十餘里京畿之地西南界海約二百餘里南界忠清約二百餘里東界江原約三百餘里北界黃海約百餘里山川靈秀商賈輻輳士庶修法度土地多礦國中政令皆出於王百官則奉令承教而已咸鏡道在京畿之東北周三千三百餘里其濶處自五百里至百餘里不等通商之口元山在焉元山至王城六百餘里咸鏡之地東界海約八百餘里東界界連春約二百餘里北界吉林省約八百餘里西界平安約七百餘里南界江原約二百餘里地勢綿亘多崇山大澤五金礦煤礦多產其間而金銀為尤多此處地氣嚴寒人烟稀少沿海之民

幸以耕漁為業海濱多鰓魚東北東連俄羅斯及海及吉林沿海皆可建埠頭築海防實為亞州之關倘非力矯錮習講求富強吾恐十年以後人事變遷更不知伊於胡底言念及此非獨高麗之憂抑亦中朝之憂也土產高粱麥粟麥皮等物海中之物雖多惜不甚采取耳平安道在京畿西北周二千六百餘里其境北界吉林省二百餘里西界吉林省六百餘里鴨綠江在焉西界海六百餘里大同江在焉二江亦屬險要東界咸鏡七百餘里南界黃海三百餘里東南界江原二百餘里亦多五金煤礦地極寒今者五洲互市輪艦梭巡乘隙而動而該境毗連吉省隣近盛京與東直省等相隔非遠詎非中朝要地哉江原道在京畿之東周約二千餘里東界海約七百餘里南界慶尚約百餘里西南界忠清約百餘里西界京畿約三百餘里西界黃海約百餘里西北界平安約數十里北界咸鏡約二百餘里壤地毗連商賈咸集而五金礦尤多風氣與京畿道稍別土宜五穀桑麻民庶而富為畿輔要地惜高麗風俗泥古而不通今故不能常保其富耳然俄羅斯日本之覬覦此境曰非一日矣黃海道在京畿之西北周約一千六百餘里南界海三百餘里西北界海六百餘里北界平安四百餘里東界江原百餘里南界京畿百餘里地勢畧寒物產甚富且多礪土宜五穀雜糧桑麻海物亦多此地為高京石輔與中國東省為隣若富教兼施則屹然重鎮固可與中朝互相犄角也忠清道在京畿之南周約千五百餘里北界京畿二百餘里東北界江原百餘里東南界慶尚四百餘里南界全羅三百餘里西界海三百餘里民居稠密地多礪產絲麻五穀俗尚與京畿稍異民性稍柔為高京南土與中國山東省海面相對全羅道在京畿之南周約一千四百餘里東界慶尚二百餘里西南界海約八百餘里北界忠清三百餘里地處高境極南海島紛羅魚鹽富足亦多礪為中日海道道中之區必爭之地也民氣較柔於北境樹畜蕃滋國賦之所出也慶尚道在京畿東南約一千六百餘里通商之金山在焉釜山至王京九百餘里該境東北界江原二百餘里西南界海七百餘里西界全羅二百餘里西北界忠清四百餘里地處高境東南隔日本對馬島不過百里該地甚美富有五金礪諸物咸備久為日本所垂涎氣候和暖俗尚與忠清全羅相若日商之居釜山口者已有三千餘人自釜山至王城道路不

其險阻今既與日本通商即當嚴定海陸界限庶不致將來越畔起釁也高境較日本約少五分之一人數約少三分之一礦藏則多日本數十倍土產海貨不產於日本而人性剛健則勝日本遠甚倘能力及前轍不煥新猷則高麗既得自全之術而中朝亦無東顧之憂豈不懿與

南形勢 安南即交趾與滇接壤由廣西至其國道有三從憑祥州入則經文淵脫朗諒山溫州鬼門關保祿縣凡七日至安越縣之市橋江思明府入則過摩天嶺恩陵祿平二州又過車里江安博州耗卑洞鳳眼縣凡八日至市橋江自龍州入則由平而隘七沅州四日至文蘭平姑社分二道一從文蘭過右隴縣北山經鬼門關渡昌江經世安安勇二縣凡三日至市橋江一從平茄縣西經武崖州司農縣凡四日至市橋江市橋江在安越縣境昌江之南諸路總會處五十里至慈山府嘉陵縣渡富良江入交州由雲南至其國道有二一由蒙自經蓮花灘入程湖洞循眺江源右岸過水尾文盤鎮安夏華清波諸州縣凡二十七日至臨眺府又過山園縣興化府白鶴縣凡十日渡富良江一由河陽隘循眺江源左岸過平源福安宣江端雄諸府州縣凡二十三日至富良江然皆山徑歌側難行若循眺江右岸入乃大道也由廣東入海道自欽州南大海揚帆一日至西南岸潮陽鎮又自廉州冠山前海發舟北風順利一二日可抵海東府若沿海岸而行烏龍嶺一日至白龍尾又二日至玉山門又一日至萬寧州又二日至廟山又三日可抵海東府自欽州天涯驛經豬兒港由萬寧州抵其國城陸路止二百九十一里又欽州城下登舟二日至涌淪自涌淪至防城陸路一十五里防城有廉州同知龍門協左營一守備駐劄防城水路三日可至萬寧州管下之江坪防城水路二日可至欽州管下如昔司巡檢所轄之東興街有欽州州判與龍門協左營一千總駐劄東興街至江坪陸路止五十里隔一小河耳江坪各省商賈輻輳多有婚娶安居者計欽州東興街至安南國城海道約六七日程路約十一十二日也國治在交州距京師萬有千百六十五里即唐都護治所郡縣分十三道道分十二承政司安邦海陽山南京北山西諒山太原明光興化清華入安順化廣南是也隸安邦者府一曰海象舊即交州地隸海陽者府一仍曰海陽舊即新安地隸山南者府十有一曰上洪下洪天長廣

東應天荆門新興長安洛仁昌平義興舊即諒江建昌奉化鎮蠻建平地隸京北者四曰北河慈山諒江順  
安舊即北江諒江地隸山西者府六曰歸化三帶端雄安西臨洮定江舊即交州嘉興歸化地隸諒山者府  
一仍曰諒山舊諒山地隸太原者府三曰太原富平通化舊太原地隸光明者府一曰宣化地舊宣化地隸  
興化者府三曰興化廣威天關舊即廣威州地隸清華者府四曰昭天鎮寧蔡州河中舊清華地隸又安者  
府八曰又安肇平思又奇華德先潯州北平清都即又安潯州地隸順化者府三曰廣化英都昇華舊即昇  
華順化地隸廣南者府三曰廣南茶麟五麻舊即又安地其形勢東南一帶皆海有望海城漢伏波將軍馬  
援建國境西界南掌北界廣西東北界廣東沿邊皆有崇巖深淵林箐彌望至大小落靠嶺鬼門關羅婆羅  
翁麓嶺尤其國中要地交州獨倚富良江為天險江闊二三里其水混濁一自緬甸流入由興化過嘉興府  
來一自雲南流入由興化府來至交岡匯合諸小河漸匯漸大自西東下經過交州北向東南流入海在國  
總屬州縣二百餘東西相距一千七百六十里南北二千八百里此安南全境也國王黎氏祖籍清華人為  
安南王都清華繼因交州為歷代割據要地兼有通海之利始遷都之國無城池人烟輻輳地勢平坦一望  
皆田村莊櫛比人多地少合境州縣不過百數而已唐調露初置安南都護府始名安南至德初改鎮南大  
慰問復名安南凡國王嗣位遣陪臣來請 朝命 欽命正副使往封賜以鍍銀金印文曰安南國王其  
國中文武官制畧同中國兵丁皆免丁銀徭役按月給餉兵分水陸不分戰守兵以象為重每象額兵二百  
五十名有正象奴一副象奴二其餘兵丁分執火器刀槍行則前後序進戰則左右排列凡交界隘口及衝  
要郡縣皆撥象鎮守喪祭遵文公禮信尚風水官民不許卜葬山上惟許葬於田富貴者塚上蓋茅屋歲久  
即平惟國王與輔政鄭氏莫必擇地至於權幸勢要或有私卜敗則亦平矣交州有國學文廟各郡縣皆建  
學校俱如中國間有釋老夷違雜居性輕悍役使貧弱俘掠不忌惟交愛二州個儻好謀驩演二州淳夫好  
學交州為國都及安邦承政司所屬地愛州屬清華承政司驢州濱州屬又安承政司云屋舍惟五府輔政  
宅及廟宇用瓦色紫黃餘皆茅屋國中農桑極盛豆麻蔽野兼饒魚鹽之利金珠珊瑚玳瑁石磬火齊丹砂

諸貨若其中外離合國作變遷自秦及明前史備載 本朝順治十六年雲南平定安南國王黎維祁奉表  
貢康熙五年維維獻呈故明王永厯所給勅印 詔遣使封為安南國王乾隆五十三年黎維祁為阮光平  
所滅大兵恢復其國旋仍為阮光平所取來降并入朝 詔封阮光平安南國王傳子阮光顯嘉慶七年為  
黎氏舊臣阮福映所滅 詔改封越南國至今六年兩貢並進

### 暹羅形勢

暹羅建都於曼谷兩面皆山一寬長之大谷也山雖層疊均不甚高無過五百丈者土沃產豐為  
海船市埠之最附近各國皆不及前被緬甸并吞國人不屈且地勢阻隔故緬甸得之旋失之復為暹羅所  
有陸戰木柵甚堅步步為營全同緬甸國王臨朝端坐威儀甚尊百官偏袒赤足屈腰蹲身盡禮致敬稱為  
以金為尊如稱上則曰金首金目金鼻金口金足之類緬甸暹羅安南三國大都身短色黝面扁體高絕少  
交好似頑實黠似情實勇髮多而黑卻少髻髻有即拔去望若婦人與亞細亞洲各國不同然性泛愛一見  
其殷勤稍拂輒反目不若印度之柔和其居家治身亦如中國印度惟不及兩國人材技藝耳暹羅人游惰  
度日不尚技藝尤藐視外國人有商船至其地輒待同如蠻夷一若無能為役者惟尊中國而不知有他國  
也三國人尊奉印度佛教凡事苟且節儉惟修建寺宇則窮極奢靡塑像有雕白石者有赤銅者或高丈或  
二丈餘尺金彩耀目其工匠不亞於歐羅巴并有鑄像廠其價值多寡視像身之大小出家為僧終身不娶  
惟暹羅人或為僧或返俗任意往還且云人生不可不出家不可久出家不出家則不知規矩久出家則虛  
度光陰蓋其出家猶中國之子弟出外就傳及冠有室則不復從師所習梵典梵字及術數之類皆從僧師  
受之實非終身披難之比也暹羅文學亦同緬甸大抵闡揚佛教其誦誦四百似有音律演亦禮拜之久始能  
誦畢奉佛戒禁肉食然印度僧不盡守戒或不食家牲而食野禽謂不在律禁其在家人并以虫蛇為美味  
安南緬甸亦然蓋近中國闊廣之風矣暹羅城沿河而建遠觀若築柵於筏上浮水而繫諸岸服色頗同東  
方男女皆耳鐲手鐲地多金礦凡酒杯柝榔盆器四皆赤金以綢緞為質金線為文觀其服可知其職之差  
等女服寬長而腋下疊摺畧同緬甸男逸女勞粗重工作悉委於女貿易亦皆女為之然謹守禮法雖在市

中足不踵戶未嫁之貧女有與外國人寓所傭工支持家務襄理貿易雖儼如家室不可干以非禮此俗安南尤盛治喪亦各不同緬甸貴人棺柩停斂需時庶人香膏塗屋而火化之暹羅以屍飼飛禽皆遵佛敎荼毘之制若安南國中遇喪則慶賀燕宴十二日奢華申諸國彼則失之過慘此則失之太奢與其慘又實奢也三國皆重技藝而廟宇中雕刻彩繪尤各擅其妙官民俱嗜觀劇或在人家或於稠眾動輒扮演價值甚廉非若歐羅巴人必有一定之戲台昂貴之戲价也音樂節奏和暢動人女音妓柔尤似中國惟意大理之音樂三國皆不能學暹羅國東安南北界中國南界海西界緬甸以曼國為國都領部落二十有一戶口約百二十萬名緬甸北隔之彌南河發源雲南歷暹羅之曼谷國都出海彌南河即雲南之瀾滄江至暹羅土名黃河水極膏大

### 緬甸形勢

緬甸南瀋大國也別名阿瓦古朱坡地在唐曰驃宋元曰緬明洪武間始內附永樂朝使編修張

洪至其國嘉靖初外夷以重兵侵之殺其王莽紀載於緬訴於朝遣員前往解釋不聽迨紀載廢子瑞體起兵洞吾復其地東破南掌南取暹羅攻服鄰封諸部雄鎮西南聲威大振瑞體死應襲繼之萬曆十三年族弟莽灼來歸應襲怒攻之灼奔騰越自是屢為邊患滇南騷擾無寧歲迨後為暹羅所攻不暇內犯邊陲因而安謐國朝定鼎之初首先効順投誠列服乾隆中懷貳犯邊旋仍賓服迄今仍之初國本三分曰阿瓦臘千曰祕古各不相能互為爭奪阿瓦適當其衝屢遭蹂躪頗以為苦萬曆二十八年阿瓦志懷報復矣爭衡遂服祕古垂百四十年相安無事乾隆初祕古復叛血戰十餘稔卒獲全勝直抵阿瓦都生擒其王而國反屬於祕古焉阿羅般以贊爛繩幅之子揭竿起事招集土兵恢復阿瓦國都自立為王盡收其舊地又出師攻滅祕古數年祕古又叛王山巴領親征平之遂乘勝取暹羅久之仍受劬敗勞軍靡餉貽他人笑乾隆四十八年元旦臘疑勃老立起師攻取阿臘千台為一國軍威大振會西鄙之民與孟加臘英屬部人屢肇衅致與英人失睦道光六年英人率印度兵來攻緬人恃其習戰視英人蔑如也然紀律不嚴進銳退速卒為英君所挫進逼都城緬人大懼不得已卑辭求和割阿臘千等地與之賠償兵費數百萬兩事始寢咸豐二年又以構衅議和盡失南方祕古等地而目下緬甸疆域僅存彈丸黑子矣其國東西相距約千四百里

南北相距較廣東界滇省西界印度南接暹羅祕古反馬耳達萬等印度屬部西北界英屬阿薩密國東南以所屬南掌北陲為界考其形勢北境岡巒層疊鳥道崎嶇南則平原寬曠一望無際國中長河聯貫田土膏沃其京都遷徙無常故都曰阿瓦曰希臘補臘曰孟卓巴曰滿大來今定鼎於滿大來

### 印度形勢

印度即身毒國又名天竺南界印度洋西南亦海西接俾路芝阿富汗雪山橫亘其北雪山之後

為前後藏東界緬甸暹羅東西相距約五千八百餘里南北約五千餘里西北境皆是沙磧南方極熱茲不具考元時臣服中國明宏治初葡萄牙人佔其西境未幾各國商人皆至乾隆二十年英人以孟加臘之釁攻奪諸部而全境幾盡為所有或置守吏或偏藩屬惟喇嘛及不丹兩國獨立不亡今考英人所轄者東為孟加臘南為麻打拉西為孟買三處各設大臣分治總督及議政大臣總鎮大臣皆駐節加爾各答城中在安額河濱即佛經所謂恒河也發源雪山倒流而下匯成大河孟加臘屬東南曰德那賽靈為商埠之首祕古次之阿拉干又次之東北曰阿薩密部雅魯藏布江自西藏東流折西南入境合恒河入海西為已哈爾西北有小部曰哲孟雄界不丹南爾喀間本屬土夷道光末年亦為英所滅孟加臘都城西南為岡都亞那部西南曰利里撒昔時佛教極盛西北為烏德部又西北為亞加拉得列部都城曰亞加拉有名勝風景絕佳本若部則僻處西北邊隅會城曰勞爾今設電報火車直通甲各他貨物信息咫尺易通麻打拉在加爾那的部地方濱海有險要之稱迤北為西爾加爾迤西為巴爾部再西曰麻拉巴爾部乃流犯之所麻拉巴爾之西為加那拉部孟買在印度西境依山傍海地勢綿長南為卜實不爾部東北為根的士部西北為古賽拉德部據三分之一大半尚屬土酋再西北為信地部接俾路芝印度河直貫其中其源發自後藏遠雪山之陰至印度西北始折而南長七千餘里錫蘭在麻打拉南周千餘里相傳釋迦佛生於此處故佛教盛行

**阿富汗形勢** 阿富汗即古屬賓國東連英屬西達波斯南接俾路芝北連西域回都南北四千四百餘里東西一千五百餘里元時曾服蒙古明正德初屬於波斯祇存三省其後波斯工恢復故土乾隆朝曾臣中國奉幾敗於克什米爾國屬於克道光中克王敗於英人失土地殆半數年英撤駐兵阿國因得恢復全地光

緒四年又叛與英構兵數年卒至納款稱臣易君而治英廷遂公使駐守其地部族首推喀牙爾爾次曰堪達哈爾在萬山之中頗擅形勝迤西為赫拉特城向來別有土酋管屬而服於阿富汗今則竟如一國焉波斯形勢波斯東界阿富汗俾路芝北連西域回部沿江至俄羅斯西接東土耳其其南踰海灣連阿剌伯東西二千五百餘里南北二千二百餘里全境分十一部曰以辣亞曰迷爾多崇山峻嶺都城名德黑蘭西北曰倚蘭部稍東曰馬色地蘭部皆負裏海前阻崇山東南曰連範里斯丹部曰雅得兒背船部迤南曰波斯古爾的斯丹部又東南曰古魯斯丹部南方濱海二部曰法爾西斯丹東曰給爾曼皆沙漠荒寒地多人偏東二部曰哥拉桑曰古義斯丹其地斥鹵不毛但可畜牧者波斯之興在成周中葉始祖為居魯士華統開基唐季為阿剌伯所并元代附馬哈木爾侵奪之改名哈烈尋服土耳其終并於阿富汗雍正時大將那的爾沙恢復之僭稱為王末幾又亂至今振作無人幾如共主矣

### 阿剌伯形勢

阿剌伯本條支國在波斯西南東南界大洋北與西北接東土耳其西與西南皆抵紅海東西約四千三百餘里南北約三千六百餘里全境析分五部首部曰黑德阿私會城曰麥加二曰阿曼在東南

### 土耳其形勢

土耳其跨歐亞兩洲分東西二境其在東境者為人類肇基之地初為部落後東兼西并成為

邦國元代土人呼多曼或名蘇祿曼崛起自號蘇丹遂王土國今疆域東界波斯北枕黑海西界地中海南

達阿剌伯東南為波斯海灣東北接境俄藩東西約三千一百七十里南北約二千一百六十里共得六部

曰西里亞曰亞那多里亞亦名小亞細亞亞洲之名即基於此是曰美索不達米亞曰土屬古爾的斯丹

曰義拉亞刺伯亦名巴比倫尼亞曰土屬亞爾美尼亞六部分十八省冬派監司一員名巴札下亦有府州

縣地中海有屬島最著者曰迷地枝曰治阿又有一島曰羅德島海口有大銅人高十一丈有奇跨兩岸手

捧巨燈照往來船舶造後三十年毀於地震其後不能復造此東土耳其之略也若西土耳其始於有明建

文之時時羅米利滿加雲密拉磯塞爾波斯宛希臘摩爾達維皆歸版圖又傳東羅馬君士但丁城以為京

邑且北至奧斯盡有匈牙利各境南踰地中海據河洲濱海地方即西陲黑山小國均歸藩部今離叛侵削殆盡所有者北界浦加魯塞爾維及波斯尼屬部南接希臘盡亞爾居伯海灣西隣黑國祇亞得亞海東至他大尼岐馬海君士但丁岐直至黑海東西約一千三百四十里南北最寬處七百二十里窄處祇數十里即建都之處境分十部而南極東羅美尼兩部自成治體餘八部曰亞得安曰薩洛尼克曰伯利斯倫曰羅米利曰雅尼那曰的加拉曰干地亞曰直薩台都此部歐亞各得其半乃合小島而成者干地亞為地中海大島時亂時平君士但丁在黑海岐西岸城外海港深廣船舶如林亞得安部加利堡成周圍砲台十四座以資鎮守土人性習苟安不求振作有印唐麻一種名馬莖草有芥片之性民爭食之遂至面形瘦減土王仍號蘇丹兼回教首目其下回教總師宰相教例大臣各一員其權大次則樞機大臣各部尚書上下議院大臣衙署最大者曰外務部曰兵部曰水師部曰吏部曰刑部曰戶部曰商部曰教部曰巡察部曰工部曰頒諭部外官則有總督即監司府縣等職更有都察刑堂專審巨案此土國之制也

俄羅斯形勢 俄羅斯國地貫三洲西奄有歐洲殆半西境接普魯士奧斯渡波羅的海界于瑞典南接土耳其地中海黑海高加索山東南為裏海盡高加索山東連烏拉山向南界烏拉河北盡北水洋惟欲有事歐洲須由土耳其國今已立約不得起黑海用兵其限於地勢亦天意使然也東北跨大海通墨嶺嶼佔北美利加西北之監加孔緯西北比利部其在亞細亞洲者共有三屬一為西北利十二部或名西伯利亞西起烏拉山東距大海相隔墨嶺嶼與美洲分界北絕北水洋南抵黑龍江外蒙古烏梁海科布天文山南北路西接回部極東佔日本蝦夷以科爾立十八島易之此為邊郡稍西曰濱海部再西曰黑龍江部又西曰亞古斯科曰義爾古斯科曰貝加爾石已接外興安嶺矣稍北曰也尼塞斯科迤南曰多木斯科烏拉山之東曰德波斯科南曰亞克南林斯科曰塞米巴拉登斯科烏拉山盡處曰多爾加義曰烏拉兩處縱約五千四百里橫約六千里本渾度屈射丁靈諸國服於匈奴唐為黠戛斯骨利幹明嘉靖間俄王始得其地康熙間又擾滿洲咸豐季年復奪黑龍江以北烏蘇里江以東之地同治十三年又奪回部為基發為納林部曰納林

屬漸逼阿福汗與波斯北境此亞洲之第二屬也三曰高加索陽屬四部在裏海之西黑海之東曰實爾直  
曰兩灣曰義未勒多曰曰國亞爾美尼已與土耳其接壤矣其在歐洲者為歐俄居普堪聞者為芬蘭屬同  
治二年分為十部皆渺小如縣邑東北烏拉山之側為北俄凡三部曰亞爾甘直曰哥羅克夫又轉西曰哥  
勒內其中境稱曰大俄凡十六部曰諾弗羅哥在哥勒內之南曰日羅斯拉曰抵威爾則在北境曰哥斯得  
羅馬曰瓦的迷爾曰奔薩曰當波佛曰理雅三側在東境曰哥泥羅賓曰古爾斯克曰科勒爾則在東南境  
曰比斯科佛曰司馬林斯科則在西境曰墨斯科曰加羅亞曰都拉則在中境其京城彼得羅堡則偏於西  
北一隅列波羅的海四部為昔王彼得第一所建所以防瑞典之兵者其舊都本在墨斯科今惟新王登極  
行加冕禮始向舊都一往而辦理國政則皆在新都也大俄之西為西俄八部曰哥科諾曰威德北斯科曰  
維爾那曰摩意勒佛曰時斯克曰科黎尼曰汝多利曰哥羅那東南有小俄亦曰白俄凡四部曰加爾哥弗  
迦東曰波爾大瓦南曰占耳瓦科弗東曰弗其即斯克與哥羅那亦稱里俄南俄五部曰石加黎諾拉曰  
頓河哈薩克曰擣里達曰給爾 曰貝薩拉比東俄十部由烏拉山轉南一帶皆是今考其名曰白爾馬曰  
科發曰科命蒲爾曰維亞得加曰如山曰薩馬拉曰新比耳斯克曰薩拉德弗曰尼內那科吾羅曰阿德拉  
千里海之濱高加索山之麓有黑海屬凡五部曰黑海曰古邦曰司達弗羅堡曰德勒克曰達斯丹國中之  
山以高加索山為最而烏拉山則橫亘東境險若長城水道第一為烏拉河自烏拉山折流向南直達裏海  
其西為科瓦上游曰加馬河其不著名者更不可勝記最大商埠曰尼內那科吾羅在科瓦河濱凡東方孫  
茶法國酒酷均聚於此西南給爾孫及科德散二部則為里海至內地要口商舟騰集百貨駢羅多建砲台  
固守今之俄羅斯為君主之國而民人皆有愛國之心好大喜功樂於戰鬥惟願改民主之局故希利尼一  
黨重欲與君主為難但事苟涉於他邦則又中於本國俄王深窺其隱因勢利導毋以兵事相勞俾謀逆之  
心不能固結若承平無事而不逞者又有他圖矣

英吉利形勢

英吉利雖合三島而成然攷其實境則有東西二島孤懸大西洋中迤東之島分南北兩界南

曰英倫即英吉利本國北曰蘇格蘭西島曰阿爾蘭與蘇格蘭舊本列國後為英人兼併倫敦之南有根得薩塞司烏義爾德等部北為約爾克利未士海口在馬次為諾爾佛爾厄塞士國比利司等部又有諾東白蘭諸部中為支士德爾西方別有牧地曰威而勒士總之英國向分五十二部而瓦勒地十二部亦在其中自西徂東以境中達達塞河計之橫約六百四十餘里蘇格蘭分三十三部南北約六百五十里東西約四百里都城名登丁堡其次為林利得厄為布爾維克為西爾日勒在中土者為北方之奇爾內阿爾蘭與蘇格蘭英倫中隔窄海縱約七百二十里橫約四百五十里都城名多伯林地方三十二部倫敦京城築於達迷塞河兩岸縱得二十二國計三十里許人烟稠密居民約得四百萬餘名達迷塞河底有火輪車鐵路以通行人京都富麗繁華申於天下然所居者亦有極貧之人崇樓高第之間每有蓬戶柴門錯雜其間東南為杞德部會城曰岡德比利有大殿厯久如新非常堅固距倫敦西北四百五十里有大埠曰利未儒商務極宏利未儒東北曰約爾克城向本王都今當氣鬱鬱既繁且盛倫敦西北一百三十里科克斯佛爾城有大書院造就人才法良意美國中無大山河以達迷塞為最自西徂東極寬處約可三十九丈有奇深約十五六丈故大小商船可以直抵倫敦惟極大戰船因河狹不能駛入須遠泊數里之外迤西通塞佛耳內河此河港路紛歧由西向東再折西南入海約五百餘里又有益耳大川為海之門戶航海者多從此往來焉全地氣候潮濕終年晴少北境磽确瘠於南方國中上議院大臣皆選自顯貴教師之則共四百二十八人其中蘇格蘭選十六人阿爾蘭選二十八人下議院六百六十人由眾民推選政府除軍機樞密院外最要者八部曰帑藏部曰吏部曰外務部曰理藩部曰印務政事部曰兵部曰商部曰刑部其外官每部設總督監司一員兼提督職銜一年國費約一千八百餘兆元其藩屬亞洲則有印度緬甸暹羅香港等河洲則有好望角沿海一帶美洲則有加那大及南美洲各處與洲幾全為所有根深蒂固蔓延地球誠各國之不可及也法蘭西形勢法蘭西東連普士蘭與德國比隣北盡海洋與英國對峙東南接意大利西南控西班牙南窮地中海佔有哥爾撒島縱約一千七百餘里橫約一千五百里共得八十七萬六千八百二十三方里通國

分三十六部八十六府三百六十二縣僅以列部言之首部曰意大利德法蘭薩如中國之直隸然此部首府曰巴黎斯為法之京都建於塞納河兩岸周圍五十五里無城垣祇於要處建造砲台凡十八處京中街衢寬大高樓有疊重七八層者天下京都倫敦以商務繁華勝巴黎斯以位置宏麗勝惟花下秦宮南風不競耳其餘各部曰蘭得勒曰亞爾多亞曰比加爾的曰諾爾滿的曰賞巴尼曰羅納來是部本領四府普法之役為普強割一府有奇爾亞爾撒斯祇存一縣之地矣曰費內曰安如曰北勒達尼曰波亞都曰科尼斯曰都納內曰科利亞曰比里曰尼威爾內曰波爾波內曰波爾科尼曰法即斯官德曰薩科亞曰德非內曰里荷內曰荷威爾內曰馬爾世曰黎木性曰桑當日曰及英內與加斯科尼合部曰作亞爾內曰官德佛亞曰盧西隆曰即結道曰官德威內森曰不羅溫薩曰主得尼薩曰奇爾塞此為地中海屬於意法人購而得之國中形勝東南有亞耳伯山蟠入境內二十餘里上飛瀑布激盪萬壑下則穿石城池深不可測是山既盡接汝拉山斷續線互五百餘里最高之峰三百三十餘丈此處景緻絕佳再北為高日山青障插天如屏之蔽西南境有比利牛斯大山與西班牙境壤交錯各山之礪煤鐵尚多金銀甚少境中河道大者曰羅亞爾流自腹地入大西洋凡一千五百餘里水利極宏惟多漲沙非第不利行舟且有汎濫之患然卒無人起而治之者以巨功之不易奏效也法國四大河一曰日輪大一日加羅內一日羅皆為一水不過上下流各有其名耳一日塞納河通貫數百里至巴黎斯流入衣袞海此山水之畧也國中氣候西北濱海數部瘴多地濕西南風急則雨可立至中央遼東之地多東北風少雨而天氣和順東北方山谷一帶寒則極寒熱則極熱較巴黎有天壤之別南方地中海濱數部多酷熱風雨不常吹西南風則所收多穀樹藝者忌之惟日輪大一帶因為比利牛斯大山所沮故此患不生國當民主上下議院擇定章立國之權部院衙門十曰吏部曰戶部曰兵部曰刑部曰外部曰水師部曰兼理藩院曰訓諭部曰術藝部兼理教事曰農商部曰工部每年國用二千兆左右兵部需三百九十二兆吏部一百七十兆水師部一百五十兆其餘為各部所用而薪工俸食均在其中焉國中向奉天主教故通國有總主教十七缺權如督撫分府主教六十七缺權如府

道此官制之略也。溯其初亦野番部落。西漢時臣服羅馬。羅衰西境為峨特族所據。東境為北狄所據。晉高帝時酋長寄羅維漸王其地。改國號一法蘭西。傳至加祿曼。渾成一統。羣國來朝。時唐貞元中葉也。又傳數世。治亂相尋。宋末朝魯義第九在位。國祚中興。時萬曆間。顯理第四在位。以仁德聞。至國朝乾隆三十八年。魯義第十六在位。賄賂為仁。優柔寡斷。又承魯義第十四十五酷政之餘。遂有民變之事。王被弑。改為民主之國。拿破侖第一崛起。又改君主。拿破侖雄才大略。欲統歐洲。事未能成。被流荒島而死。至拿破侖第三被普魯士所擒。又改為民主。至今仍之。攷法蘭西戶口殷繁。在十八年前。總核之數得三十六兆十一萬人。水陸兩軍人數亦在其中。折中計之一千人中。男子得四百九十四名。婦女得五百有六名。以年壽較。無論男女。二十歲以下者。千人中得三百八十七人。二十至六十歲者。得五百二十五人。六十歲以上者。得八十八人耳。一年中。添丁約一兆餘。死亡者十五萬有奇。是以民丁添數無多。而年復一年。終難如他國之日增月盛也。當嘉慶六年。居民得二十七兆。又三十年得三十二兆。五億後。據得薩科亞等地。乃共得三十七兆五億。豈知普國之戰。失地喪師。民丁頓減。合計僅得三十六兆。雖不至國亡。而元氣大為凋敝矣。

### 賽士蘭形勢

賽士蘭。或作瑞士。以其與瑞典相混。故以賽士易之。其國北連德國。西接法蘭西。東界奧斯南。

通意大利。共分鄉落二十號。民主小國。而網紀極明。其地古屬羅馬。旋次第屬法蘭西。日耳曼。元武宗時。逐日耳曼人而自立。有明中葉。國本漸昌。國中人以驍勇著名。各國戰爭。靡不相與。因而漸次興起。法王拿破侖第一崛起。又臣於法。法王敗。依舊立國。至今仍之所分鄉落二十。政令不同。有各遵其素行。專例者。全地治體設衙門三。曰盟會署。專理損益。因革公例。及兵事和約諸端。曰刑律署。凡有大獄。鄉落官所不能判者。至此訊之。曰議政署。專辦時下一切政事。為總統與副總統任之。一年一易。三署中。此署最大。皆設於伯爾尼城中。故雖無京城之名。人皆目為都會。其兵制。男子自二十歲以上。至三十二歲。除病廢外。皆當從軍。若兵事危急。則自三十三歲至四十四歲。男丁盡須出戰。以為黨兵。故民兵之數。可得二十一萬名。通國地形。凹凸罕見。平原。然風景清幽。故西國貴豪富商大賈。皆赴此邦游歷。且賄風甚盛。一擲數千萬。無所吝惜。王。

孫公子有劉盤龍之癖者趨之如歸馬國人又耐勞性巧畜牧製造不肯讓人每年所得之利不下二百兆元其渺小之地幸存大國之間者正為此也

荷蘭形勢

荷蘭比利時向本一國道光二十一年分裂後南為比利時北為荷蘭其境東界德意志南接比利時西北兩境皆盡於北海全境縱約三百九十里橫得三百七十三里歐洲地勢此為最低向來稱為澤國故治水方畧荷蘭獨備大河曰委因曰繆色曰厄斯谷皆自南方發源流貫內地通國共分十一部京都曰阿姆斯特丹架水水中上建樓閣全城分九十渚島建連橋二百八十座互相聯絡如意大利之威內薩南都曰辣海國君反居於此曰西蘭曰北巴辣班曰烏德勒支曰給爾德勒曰科威爾義塞爾曰德論德曰飛利薩曰哥羅凝加曰荷屬另清爾十二府之外又有屬國曰蘆森清爾在比法之間其餘各處屬地亦多致國中制度君民參治設上下議院分掌政權君主薨逝為無太子女子亦可嗣立每年國用約五十餘兆元而合計商務農務各項生息約每年五百兆元以入數較之出數殊覺有餘也

比利時形勢

比利時形北界荷蘭東隣普魯士南接法蘭西西盡北海及法蘭西全地縱得四百三十七里

橫得三百八十二里

前明中葉隸西班牙康熙五十三年又屬奧斯七十餘里旋為法王拿破侖第一所

奪拿破侖敗又與北荷蘭相合當明嘉靖時前荷蘭南北皆奉天主教後荷蘭改從耶穌教比利時固守不服於是南北時時構兵道光十年比利時逐荷蘭守臣明年荷人大舉來伐苦戰多時積屍枕野法蘭西不忍民之夷傷從中力主和議始各自立一幟今其國上下兩議院下院三十二人從眾民推舉年在二十五歲者即得推選四年任滿上院六十六人年須四十歲并歲可出稅銀四百餘元者方得與選八年任滿政部衙門七曰外務部曰戶部曰吏部曰教諭部曰刑部曰工部曰兵部國分九府曰南巴拉班在適中之地都城建馬曰清魯塞勒寬大富美民精藝術尤喜紡織曰安物爾為水運大埠曰東法蘭得耳會城曰千德曰西法蘭得耳曰海騰曰列直曰那慕爾曰比屬零浦耳其外有名比屬盧森浦爾者西北一鄙仍歸比屬東南則已為荷有通國地處平陽南境雖有山陵終不多見刻下比王勵精圖治國富兵強故歐洲皆以大